

Uztailean Gasteizen biltzeko aukerak aztertzen ari da Kurduen Parlamentua

Ali Yigit kurduen ordezkaria EAJ, EA eta HBko ordezkariekin batzartuko da gaur

Itziar Uriarte / Bilbo

EAEko Legebiltzarrak Kurdistangoari biltokia utzi eta Espainiako Gobernuak Auzitegi Konstituzionalean erabaki hori errekurritu ostean sortu den egoera aztertzeko heldu zen Bilbora Ali Yigit. Kurdistango Parlamentuko kanpo harremanetarako arduraduna Javier Madrazo eta Iuko ordezkariekin bildu zen atzo; gaur, EAJ, EA eta HBko ordezkariekin egingo du berba.

«GENOZIDIOA pairatzen ari diren 20 milioi kurduentzat ez da erabaki zuzena, eta guk ezin dugu onartu» esanaz arbuia zuen Ali Yigitek Espainiako Gobernuak jarritako errekurtsioa. Auzitegi Konstituzionalera jota Gobernuak Parlamentu Kurduaren bilera galeratzeko saiakerari ez deritzo «bidezkoa», baina EAEko Parlamentuak hartzen dituen erabakia «azkenerraino» errespetatuko dutela ohartarazi zuen.

Kurdistango egoera euskal alderdiekin dituen arazoen erdian ez sartzeko eskatu zion Yigitek Aznarri. «Gure harremanak euskal alderdiekin urte askotakoak dira, ez dira gaurkoak eta espero dut Aznarrek ez jartzea aitzakitzat Kurdistango Parlamentua Euskal Herrian biltzen dela herri biren enfrontamenterako, Espainia eta Euskal



Ali Yigit Kurdistango Parlamentuko kanpo harremanetarako arduraduna eta Javier Madrazo, atzo Bilbon.

Herriaren arteko enfrontamendurako». «Ez dugu nahi erbestean dagoen Kurdistango Parlamentuaren bilera jartzea aitzaki gisa» berretsi zuen Iuren egoitzan eskaini prentsaurrekoan.

Bilera egoitza baino garrantzitsuagoa

Legebiltzarrak Kurdistangoaren saioa Gasteizen baimentzea «erabaki historikoa» izan dela iritzi arren, beste egoitza batzuk ere aintzat hartuko lituzkete. Kurdistango Parlamentuko ordezkariak azaldu zuenez, bilera tokia Gasteiz-

ko Parlamentuaren egoitza izatea ala beste bat izatea ez da horren garrantzitsua. «Inporta zaiguna bilera egin ahal izatea eta herritar espainiarrek gu ezagutzea da», ohartarazi zuen Ali Yigitek. Dena den, erbestean diharduen Kurdistango Parlamentuak ez du erabaki bat hartuko Euskal Herriko alderdiekin bildu baino lehen.

Atzo eta gaurko bileretan Ali Yigitek Kurdistango egoera, Kurdistango Parlamentuaren bilera, Turkiako hauteskundeak «eta haietan izan ziren faltsutasunak» aztertu nahi ditu euskal alderdiekin.

Gaur EAJ, Eusko alkartasuna eta Herri batasunako ordezkariekin bildu eta gero, Kurdistango Parlamentuko kanpo harremanetarako arduradunak prentsaurreko bat eskainiko du haien jokabidea argitzeko.

Bestalde, PPK ez legezko proposamen bat aurkeztu zuen atzo EAEko Parlamentuan Espainiako Auzitegi Konstituzionalaren ebazpena betez kurdiarren bilera bertan behera utz dezan. Leopoldo Barredak Xabier Arzalluzen esanak arbuia zuen «tabernako tonoa» zutelakoa.

PSN «gobernatzeko prestatuta» dagoela eta Nafarroa aldatzeko ideia onak dituela dio Lizarbek

■ Alderdiak

hauteskundeei begira egin manifestua aurkeztu zuten Iruñean

Agentziak / Iruñea

JUAN JOSE LIZARBE PSN-PSOE alderdiko idazkari nagusiak atzo azaldu zuenez, «PSN prestatuta dago gobernatzeko» eta «Foru Erkidegoa aldatu ahal izateko hautagai onak ditu, ideia onak izateaz gain». «Nahikoa dugu hainbeste burokraziarekin, herritarrek gara garrantzitsuenak», adierazi zuen sozialista nafarren idazkari nagusiak. PSNk ekainaren 13ko Foru, Udal eta Europako hauteskundeei begira egindako Udal Manifestuaren aurkezpenean egin zituen Lizarbek aipatu adierazpenak.

Aurkeztutako manifestua hauteskunde kanpaina aurkeztuko duten programa elektoralaren «bizkar hezurra» dela adierazi zuen Jorge Mori PSNko buruzagiak, nahiz eta manifestua guztiz osatu gabe egon. Izan ere, sozialista nafarren 55 herri batzordeetan aurkeztu eta eztabaidatu behar dute, eta baita lurralde batzordean ere. Lurralde batzordea hilaren 30ean bilduko da, eta hor egingo zaizkio manifestuari azken aldaketak.

Presoen senideek sakabanaketa politika amaitzeko eskatuko diote Aznarri Bilbon

■ Bisita egingo du gaur Euskal Herrira eta hari gutun bat ematen saiatuko dira

Erredakzioa/Bilbo

KARTZELETAN hil diren euskal presoen senideak Bilboko Euskalduna jauregiara hurbilduko dira gaur Bilbon izango den Jose Maria Aznarri gutun bat pertsonalki entregatzeko. Batzorde hori ez da Euskalduna jauregiara hurbilduko den bakarra, Senideak eta Amnistiaren Aldeko Batzordeek goizeko 10etan kontzentrazioa deitu baitute. AABek Joxe Mari Aranzamendi, Juan Carlos Hernando eta

Santi Diezen heriotzen errudun egiten dute Gobernuak.


Bisita ez da Euzko Gaztediren gustokoa ere. Konpetentziez, autodeterminazioaz, elkarriketaz eta bakeaz hitz egitera ez badator, etorriko ez balitz hobe egingo lukeela agertarazi du EGik kalean jarritako karteletan. Bisita gaitzetsi asmoz, kontzentrazio bat deitu du 12.30etarako Euskalduna jauregian.

Aznar Bilbon izango da gaur APD enpresari elkarteak gonbidatuta. Espainiako presidentea eguerdian helduko

da Bilbora eta hitzaldi bat eskaini ostean bazkaltzen geratuko da enpresariarekin.

Bide batez, eta ekonomia-aren gorabeheraz hitz egin aurretik, gobernuburu espainiarrek Eritzaintza Geriatriko eta Gerontologia kongresuaren batzorde antolatzailea hartuko du 12:20etan.

Ekonomia global baten lehiakortasun faktoreak aztertuko dituen enpresari mintegian Aznarrek ezezik Emilio Ybarra BBVko lehendakariak, Iñigo Oriol Iberdrolakoak, Antonio Cancelo



Gazte bat, EGik Aznarren bisitaren aurka ateratako kartelari begira.

MCC taldeko lehendakariak eta Baltasar Errasti Confebaskeko presidentek hartuko dute parte, besteak beste.

Topagune horretan Aznarrek parte hartu izana ez da

ondo ikusi enpresari guztien aldetik. KQC ingenieritza enpresak esaterako baja eskatu du APDn, haren jardunak ikutu politiko alderdikoia duelakoan.